

Anzizar kondena hausteagatik epai dezakete hirugarren graduari uko egin eta gero

Laster baldintzapeko askatasuna lor zezakeen arren, ez du «txantaiarik» onartu gura izan

Fermin Anzizar euskal preso politikoak uko egin zion atzo Langraizko zuzendariak ezarritako hirugarren graduari eta baldintzapeko askatasuna eskatu zuen berarentzat eta bera bezala aske behar luketen gainerako 127 presoentzat. Anzizarrek hamasei urte daramatza preso eta aurki baldintzapeko askatasuna eskuratzekotan zen. Orain sei urte eta erdiko kartzela zigorra ezar diezaioke kondena hausteagatik. Lerrook idazterakoan artean Bilboko Guardia Epaitegian zegoen preso.

A. Zuberogoitia / Bilbo



Juanito Trecet, 18 urte espetxean egin eta gero atera berri dena, eta Fermin Anzizar presoak elkar besarkatzen. XOUSE SIMAL

satzea erabaki zuen Anzizarrek.

Atzo alta medikoa eman behar ziotela-eta, presoak ebakuntza-ondoko baimenaren luzapena eskatu zuen Langraitzen; ez hori bakarrik, baldintzapeko askatasuna eman diezaiotela ere galdegin baitzuen. Herenegun, ordea, atzo arratsaldeko sei etan Langraitzen sartu beharra zeukala adierazi zioten. Horrek, besteak beste, hirugarren gradua onartzea suposatzen zuen.

Irteera pertsonalik ez • Egoera horren aurrean, atzo goizean presoak bere ikuspuntua berretsi zion Ruth Alonso epaileari Bilboko Espetxe Zaintzako Epai-

tegian. Alegia, ez zuela hirugarren graduari onartuko, bera ez zebilelako irtenbide pertsonalaren bila. Anzizarrek berriz ere kolektibo bateko partaide zela gogorarazi eta bere eta bera bezala libre behar luketen 127 lagunen askatasuna eskatu zuen.

Hori horrela, epaileak hirugarren gradua onartu eta bere kabuz Langraitzera joanez gero bi hilabete barru baldintzapeko askatasuna emango ziola agindu zion. Anzizarrek, berriz, baldintzapekoa duela urtebete eman behar ziotela erantzun zion; horrez gain, beste 127 lagun egoera berean daudela gogorarazi zion, «gradu politikaren txantaiaren

aurrean» ez zuela amore emango berretsiz.

Epaileak, segidan, hori eginez gero kondena hausteagatik epaitua izateko arriskua zeukala esan zuen, honen ondorio zuzenena espetxean sei urte eta erdi gehiago ematea izanik. Ez hori bakarrik: hirugarren graduari uko eginez gero berriz dispersioaren dinamika paira zezakeela jakinarazi zion, bere senideen egoera animikoari buruzko iruzkinak egiteaz gain. Horren guztia ostean, arratsaldeko seiak arte «gogoeta egiteko astia» eman zion Alonsok.

Arratsaldeko bostak eta erdiak aldera, ordea, Anzizar Bizkaiko hiriburuko Guardiako Epaitegira azaldu zen eta berean segi zuen, txantaiari amore emanez gero preso kolektiboan piztatu eta txantajegileen dinamika indartzen dela berretsi baitzuen. Lerrook idazterakoan artean Guardia Epaitegi barruan zegoen, Langraitzera eramango ote zuten itxaroten. Oso litekeena da atzo eginikoaren ondoren orain preso kondena hausteagatik epaitzea eta kartzelan beste sei urte eta erdi eman behar izatea. X

Epaileen «txantajea» salatu dute presoan aldeko taldeek

FERMIN ANZIZARRI baldintzapeko askatasuna dagokiola-eta, hori saihesteko epaileen eta alderdien jokabide «mal-tzurra» salatu zuten atzo goizean Herri Batasunako kideak. Senideak presoan aldeko elkar-teak eta Amnistiaren Aldeko Batzordeak beste.

Gasteizko Legebiltzarreko prentsa aretoan presoekin egiten ari diren «txantaje amaigabea» agerian utzi nahi izan zuten Julen Zelairain AABetako kideak eta Julen Karrera preso ohiak. Lehenak esan zuten Anzizarren kasuak agerian uzten duela presoekin egin nahi duten «erabilera», eta «iruzur politikotzat» jo zuten

epaileen jokabidea. Horien artean Ruth Alonso Bigilantziako epailea aipatu zuen. «Epaile hau presoekin jolasten ari da, txantajea bideratzen ari baita», salatu zuen.

Karrerak esan zuten presoan gaixotasuna edo dagokien baldintzapeko askatasuna ez ematea erabiltzen dutela presoari duintasuna kentzeko. «Bahitu politikoak dira, eta horien atzean ardura indibidualak daude. Ruth Alonso hori aurrera egiteko prest agertu da», esan zuen.

Alderdi politikoen jokabidea ere kritikatu zuten presoan aldeko kideak. Zelairainek esan zuen alderdi politikoei sakabanaketa politika-

ren aldeko apostua egin dutela, eta egungo diskurtsoak ez duela praktikan inolako eragirik kritikatu zuen.

«Errepresiaoren aldeko apostua egiten ari dira alderdi politikoak. Orain makilaje politikarekin ari dira, diskurtso politikoa aldatu egin dute, baina praktikan denak berdin segitzen du», adierazi zuen AABetako kideak.

Jone Goirizelaia legebiltzarkideak Legebiltzarreko Giza Eskubideen batzordearen jokabidea salatu zuen. Ponentzia ez da bildu abenduaz geroztik, eta HBko kideari iruditzen zaio ez dagoela horretarako arrazoirik, are gehiago aintzat hartuta

presoen egoera «larria».

«Batzordeak ebatzi zuen zigorraren hiru laurdenak bete dituzten presoan baldintzapeko askatasuna bideratu behar zuela ponentziak. 115 preso daude egoera horretan, askatasunaren zain, eta ponentziak ez dio oraindik gaiari heldu», esan zuen.

Jaime Iribarren legebiltzarkide nafarrak ere hitz egin zuen. Alderdi-kideen ildotik, presoan «erabilera politikoa» salatu zuen, eta Anzizarri elkartauna eskaini zion. Iribarrenek iragarri zuen Nafarroako Parlamentuak proposamen bat egingo dutela Anzizarren baldintzapeko askatasuna ahalbidetzeko.

Getxoko hamazortzi erakundek presoak Euskal Herrira ekartzeko plataforma eratu dute

■ «Gehiengoak bereganatzen duen eskakizuna» plazaratzeko bi hileko kanpaina jarriko dute abian

A.Z. / Getxo

GETXOKO hamazortzi erakundek osatutako Getxorantz plataformak bere burua aurkeztu zuen atzo jendaurrean Bizkaiko udalerri horretan. Getxorantz plataforman izaera eta ideologia desberdinetako taldeak elkartu dira, hala nola, EGI, Jarrai, Gazte Abertzaleak, IU Gazteak edota Bakearen Aldeko Koordinakundea (BAK).

Sei dira plataformaren aldarrikapen nagusiak: lehenik, sakabanatze politika salatu eta euskal preso guztiak Euskal Herrira ekar ditzaten exijitzea; bigarrenik, indarrean dagoen legedia bete dadin eskatzea, zigorraren hiru laurdenak beteak dituzten presoak askatuta; hirugarrenik, gaixotasun larri eta sendaezinak dituzten presoak libre utz ditzaten galdegitea; laugarrenik, komunikabideek gai honen inguruan duten «objektibitate eza» salatzea; bosgarrenik, presoan aldeko elkarrean eskariei jaramon egitea; eta azkenik, aginte publikoei Poliziaren atxilotu-zentroetan eta kartzeletan kontrol mekanismoen ezarpena eskatzea, «irregularitasunak (tratu txarrak, isolamendua, jipoiak...) bermatzen dituzten zigorgabetasun eremuak ezabatzeko».

Plataformako kideen ustez, «Euskal Herriko biztanle gehienek bereganatzen dituzten eskakizun hauek» tinko aldarrikatu behar dira, «gure artean horren beharrezko dugun distentsio-giroa lortzen lagun dezaketelako». Hori erdiesteko asmoz, martxoan eta apirilean hainbat ekitaldi egingo dituzte: mahai-inguruak, sinadura-bilketa, kanpaldia, hormirudiak, informazio-orrien banaketak... Kanpaina hau manifestaldi isil batekin bukatuko dute. X



ARARTEKO ERAKUNDEA

GIZA ESKUBIDEETAN OINARRITUTAKO HEZIKETARI BURUZKO BEKA

Beka baten deialdia iragartzen da. Giza eskubideetan oinarritutako heziketari buruzko materialak, eskolan erabiltzekoak, lantzen da beka honen helburua.

Beka lortzeko aukera izango dute Euskal Autonomia Erkidegoko pertsona edo pertsona-multzo guztiak.

Oinarri-arauak EHAAren 26. zenbakian argitaratu dira, 1997ko otsailaren 7koan.

Eskari-orriak eta agiriak Arartekoaren hiru bulegoetako edozeinetara bidali beharko dira.

Eskariak aurkezteko epea 1997ko martxoaren 10ean bukatuko da.